

國

朝

列

卿

紀

國朝列卿紀卷之二十八

國初吏部左右侍郎年表

樊魯璞

歸附洪武元年任
人國初

汪河

直隸舒城人國初
倅吏洪武元年任

程徐

浙江鄞縣人故元兵部尚書歸
附洪武元年任詳刑部尚書

李廷桂

河南洛陽人
洪武二年任

李仁

見尚書洪
武三年任

李思迪

山東歷城人洪武
初歸附三年任

顧貞

洪武三年任
人

李真

初薦舉四年任
人洪武

宋 騏

才洪武五年任 人人

朱德潤

直隸泰興人洪武初薦舉六年任

董幼安

洪武八年任 人

張 度

詳本部尚書洪武九年任

陸 讓

舉人才十三人洪武初

任 源

山西武鄉人洪武中鄉舉十三年任左

韓 膺

山東平度州人洪武中薦舉十四年任

李 信

詳本尚書洪武十四年任

高遜志

直隸蕭縣人洪武初薦舉十六年任

劉逢吉

武十六年任 人洪

王珪

武十六年任
人洪

趙廸

河南宜陽人洪武甲子歲貢十九年任

侯庸

山東膠水人洪武乙丑進士二十二年任左

陳敬

詳本部尚書洪武二十三年任

傅友文

陝西臨潼人洪武中大學生二十六年任右

翟善

見尚書洪武二十六年任

田炯

山西大同人洪武中大學生二十六年任左

鄭昌

山西襄垣人洪武中大學生二十七年任左

湯仲行

浙江歸安人洪武中稅戶人才三十年任右

王謙

人洪武三十一年任右

茅大芳

南直泰興人
華除元年任左

練子寧

江西新淦人
洪武乙丑榜眼
華除元年任左
改御史中丞

毛泰

除三年任左
人革

蹇義

見本部
華除三年任右轉左

陳洽

直隸武進人
洪武中薦舉永樂元年任右轉左
歷兵部尚書

許思溫

直隸吳縣人
洪武中太學生永樂元年任左
兼左春坊左贊善

師達

見本部
尚書永樂元年任右陞南京戶部尚書

國初吏部左右侍郎行實

樊魯璞字

人國初入仕其前宦履不知其詳洪

武元年設六部陞吏部侍郎同吏部尚書滕毅掌銓課本年以
失職免官

汪河字

直隸廬州府舒城縣人少有大志倜儻傑出管師

武威余文忠公叩其底裏其與學雄文宏才遠畧卓邁流輩元
季政歎江淮兵起四方紛亂靡所適從太祖高皇帝渡江首
被遇用爲行省掾吏屢陳時務。上高其才識叅謀幃幃贊畫

兵政大有裨益辛丑三月丁巳擢爲大都督府都事出入左右
敷歷中外惟所任使聲實以著元察罕帖木兒克復汴梁兵威

甚振及下山東遠邇震懾上命河使察罕結援議論稱

肯

癸卯擴廓帖木兒遣使尹煥章以書幣來通好上卽遣河與

俱往答其意河至河南擴廓帖木兒拘留之時虜尚盛兵中原

上方有事江漢未遑讐較是年秋陳友諒亡甲辰武昌平湖南江

右諸郡咸附乙巳七月上乃以書與擴廓帖木兒曰曩者初

無兵端尹煥章來得書惠綺卽遣汪河同往爲生者賀沒者吊

安知去而不回復遣人去皆被拘留且閣下昔與李羅構釁雖

雄未決尚以知院郭雲同僉任亮攻我景陵掠我沔陽予思此

城雖元之故地久在他人之手予從他人得之非取於元也閣

下外假元名內懷自造一旦輕我遂留前使予雖不較但以閣

下內艱未除猶出兵以欺我使其勢專力全又當何如閣下果
若挾天子令諸侯創業於中原則當開誠心示羣落睦我江淮
今乃遣竹昌忻都率兵深入淮城殺掠人民殆非所宜況有自
中原來者備言張思道李思齊等連和欲專併閣下此甚可慮
之秋安可坐使西北數雄結連關內反舍近圖欲趨遠利極力
支吾非遠計也予嘗博詢廣采關中軍將欲爲亂恐不利於閣
下故再遣人叙我前意述我所聞閣下其圖之節次使命若總
遣回庶不遺舊好惟然然焉書至不遣丙午七月 上復遣使
以書遺之曰曩者尹興章來隨遣汪河報禮至今不還予思閣
下意當此之時寧羅提精兵往雲州與京師密邇其勢必挾天

子閣下恐在其號令中故力競若歸使者必泄其謀故留而不遣閣下豈不知春秋戰國豪傑之士平世則講信修睦朝聘以時如季札至魯諸觀周樂韓起來聘因考周禮未聞有拘留之典也有事則遠交近攻合從連衡以恤鄰國以保宗社至於觀兵約戰使命往來猶恐後期相誤亦未聞有拘留者古人誠心相待如此惟春秋有鄭示絕於楚楚人執良霄漢屢伐匈奴拘蘇武此夷狄報怨之淺見豈意閣下反效之予亦不以此介意予嘗言齊有十二山河桓公因之以九合諸侯秦有百二山河西漢據之以一統天下三晉表裏山河晉文以世主霸業幽燕有居庸南阻三關天下都會此四要之地閣下兼得而跨有之

當留意於此閣下自以志高勢大傲然不答亦不復於此留心
方且千里裹糧遠爭江淮之利是閣下棄我舊好而生新釁也
兵勢旣分未免力弱是以李羅雖死匹餘孽跳梁於西北鳳翔
鹿臺之兵合黨而東出俞寶扼戰於樂安于仁逃歸於東齊幽
燕無腹心之托若加之以南面之兵四面並起當如之何此皆
中原將士來歸者所說豈不詳於使臣往復之詞耶閣下拘留
使臣果何益哉意者閣下不過欲挾天子令諸侯以效魏武終
移漢祚然魏武能使公孫康擒袁尚以服遼東使馬超擒韓遂
以定關中皇后太子如在掌握中方能僞定中原閣下自度能
垂紳搢笏決此數事乎恐皆出魏武下矣上古之爲國者不獨

君能斷於上臣亦善謀於下漢王成臯待楚使以草具待亞父使以太牢從陳平計也禮雖有厚薄未嘗有拘留也拘留之意雖出閣下亦可見謀臣又出陳平下矣事皆如此魏武之業豈得成哉倘能幡然改轍續我舊好還我使臣救災恤患各保疆宇則地利從可守後患從可緩爲閣下利豈淺淺哉如或不然我則整舟楫乘春水之便命襄陽之師經唐鄧之郊北超許汝次安陸沔陽之兵掠德安向安息使安豐濠泗之將自陳汝擣汴梁徐邳之軍取濟寧淮安之軍約上信海道舟師會俞寶同入山東加以張李及天保奴腹心之疾此時閣下之境必至土崩瓦解是拘使者之計不利而反足以害矣惟閣下與諸君子

同謀之毋徒獨斷以遺後悔書至仍不遣吳元年下未春。上復遣使以書遺之曰自古有匡天下之志必有容天下之量而後能成天下之功使其規模狹隘執見不廣未有能濟者也予起義以來拓地江右閣下之先以興復爲名提兵自起義以來拓地河北相去遼遠天各一涯繼聞令先王去世閣下克成其功且以尹煥章齎書致禮跋涉而來使予踴躍興起乃知閣下能行先王未行之事豈不爲之快然用遣江河致禮同往爲死者吊生者慶初非無故也今江河去而不還予初不能無疑然久而不得釋者正以此時字羅跋涉倒持國柄元之興替在其掌握故閣下以靜御動一則恐起天下豪傑之心二則恐出字

羅自爲之後汪河之留自有說矣茲歷歲久終不見還乃知閣下執見不廣度量不弘何自信其始而不信其終耶予請復以古人之事言之昔春秋之世諸侯分治亦有以社稷爲重生靈爲念者故朝聘以時會盟以道且如魯襄公卽位之始衛使子叔晉使武子來聘襄公亦以季武子如衛穆叔如晉此交好之間未嘗執使者齊桓公伐楚行人來聘師乃次於陘此兵交之際亦未嘗執其使者古人豈不思一介之使不過將誠道意所拘者小所失者大也况閣下控守之地東連齊岱西拒秦隴北接幽薊南抵長河地非不遠兵非不多所慮者張思道操刃於蒲關李思齊抗衡於秦隴俞寶之兵蓄變於肘腋王信之衆生

繫於近郊恐閣下自以成功遂安如泰山置之不問坐使諸雄
連結禍機一發首尾莫救此深爲閣下惜也所以數四遣人奉
書讀聽者是予欲盡一得之愚於閣下閣下何爲自矜拘使不
答問者起禍山東兵連秦隴幽并混撓鼎沸不寧此皆予前日
屢告之言爲閣下今日明驗閣下何不取監焉抑又聞古之立
事業者必求士之多聞博學以廣其才深謀遠慮以益其智今
閣下用兵中原迄今十載幕下豈無其人乎使其有人不知以
衛晉之於魯也爲何如魯之復命於衛晉也爲何如設曰各盡
其禮則當磊磊落落竭忠言於閣下執此爲法卽遣能使卽日
將命以汪河錢禎等還豈惟不失前盟亦可取信於天下使其

不然是又取我南方之兵端爲彼後日之戰患禍網日嬰惡貫日積強敵益增仇讐不解閣下雖深謀如莽操詭計如懿溫英雄滿前何以取生功被天下守之以遜富有四海守之以謙況其爲臣者乎閣下其深思之書至仍不遣是年冬十月元罷擴廓帖木兒官奪其軍命諸將分統之擴廓退居澤州洪武元年一王師下河洛擴廓懼而西走定西始以河還河自癸卯歲奉使被拘於陝右至是凡六年抗厲不屈完節來歸上嘉重之卽陞爲吏部侍郎河備陳虜中事且上方略擴廓竟取敗二年秋推陞爲御史臺侍御史數犯天威歷陳讜論內外諸政補益甚多九年上以國之藩屏在衆建親臣四月乙丑九子一孫同

日授封封晉王於太原控山帶河爲韓魏趙之全壤地大且要
必簡朝之重臣爲之傅庶以保王宮而制外間以河帷幄舊勳
先使虜城忠節顯著繼在中臺功業懋隆遂拜爲晉王相親御
便殿面諭而臨遣之俾之先往繕城池立府寺備儀衛董官聯
施政教以俟王出閣河領眷命誓殫心力時天下初定兵戈甫
戢民力未舒晉又大藩百爾政務惟鉅惟難河以身任之咸底
成績其在王所也鞠躬盡瘁啓沃彌綸居數歲晉大治河卒以
賢稱

史臣云夫人臣事君莫大乎忠義忠義之士上通天道下察人
倫而識其大者故其心烈其氣嚴其節勁厲其行偉傑其身徇

國不携貳於禍患不怵迫於威武是故軍旅不避難朝廷不諛
君遇事變不偷生使強國不辱命方擴廓帖木兒遣使通好汪
河報聘爲擴廓者敬遇之可也亟歸之可也審圖而徐遣之亦
可也顧以梟獍不義之情肆爲執留禁閉之計當是時虜兵橫
鶩南北勢均以匹夫而罹其患非有貫日之忠抗雲之節幾何
不爲其威惕而力屈哉河則握忠秉貞誓死守義頭可斷而志
不可奪歲愈遷操愈固雖蘇武之寓匈奴洪皓之在金國其凌
奮激烈亦不是過忠肝義膽簡在 上心是以爵祿加於始還
任用隆於益久蓋旌善以勸天下其道當然也於戲水因宗海
雖百折而必東臣不負君縱九死而弗悔愚嘗竊論河之不屈


於黜虜也可謂識其大者其視廖楚公之不屈於僞吳也如畫
一後之讀其事者想其風槩猶貞松粹璧真可敬而仰哉

程徐字仲能浙江寧波府鄞縣人由元翰林院從事發身太史
院校書郎遷奉禮郎爲中書曹掾從太史丞相軍擢禮部主事
改刑部復改戶部陞中書檢校官拜監察御史陞本臺都事出
掌江西憲以才諍稱於時太傅左丞相河南王承制起爲兵部
右侍郎不赴後召爲國子司業至京改任詳定使進兵部尚書
上輕車都尉廣平侯鄼縣男疏乞致仕入國朝 太祖高皇帝
以才名召見命爲吏部侍郎洪武二年 上以孔子釋奠止令
行於曲阜孔廟天下不必通祀徐上疏極諫 上允其奏改刑

部侍郎三年陞刑部尚書本年以壽終爲人精勤通敏剴繁治劇事無留滯能文尤工於詩歌有遺集傳後詳國初刑部

李廷桂字  河南河南府洛陽縣人洪武二年任吏部侍郎

李仁見尚書洪武三年任

李思迪字  山東濟南府歷城縣人故元進士爲國子生教

授洪武元年以故官入京授起居注三年陞吏部侍郎四年調

山西行省叅議以事降丹徒知縣坐出入人罪安置閩中十一

年召訓國子生尋卒於官

顧貞字  人洪武三年任

李興字  人洪武初薦舉四年陞吏部侍郎

宋騏字

人洪武初舉人才六年陞吏部侍

郎

朱德潤字

直隸揚州府泰興縣人洪武初舉人才六年授

考功郎中陞吏部侍郎

董幼安字

人洪武初入仕八年陞吏部侍

郎

張度詳本部尚書洪武九年任吏部侍郎

陸讓字

人洪武初舉人才十三年陞吏部

侍郎

任源字

山西洮州武鄉縣人洪武戊午鄉舉十三年陞吏

部右侍郎十四年卒於官

韓膺字

山東萊州府平度州人洪武中舉人十四年任

吏部侍郎

李信詳本部尚書洪武十四年任吏部侍郎

高遜志字士敏直隸徐州蕭縣人元末僑寓嘉興幼嗜學從父

宦遊吳中師事宣城貢師泰鄱陽周伯琦遂昌鄭之佑爲文有

規模成一家言以薦起鄧山書院山長洪武二年徵修元史授

翰林院編修十六年命署吏部侍郎事尋以疾歸三十年起翰

林侍讀學士建文中陞太常寺少卿與正卿黃子澄定國難夙

夜匪懈庚辰同大學士董倫主考會試得楊榮胡廣楊溥金幼

攷胡濙顧佐皆爲名臣靖難兵起不知所終

劉逢吉字

人洪武十六年試吏部侍郎

王珪字

人洪武十六年任吏部侍郎

趙廸字

河南河南府宜陽縣人初姓張勤學好問見重師

友洪武甲子歲貢入太學十九年奏事稱旨試考功郎中尋擢
吏部侍郎二十二年免

侯庸字景中山東萊州府膠水縣人洪武乙丑進士授吏科給
事中有才幹二十二年命署吏部左侍郎事二十三年致仕
陳敬詳本部尚書洪武二十三年任二十六年致仕

傅友文卽傅益以字行陝西西安府臨潼縣人洪武初由貢入

太學授戶部主事二十五年擢戶部右侍郎二十六年改吏部右侍郎本年坐奸黨監玉伏誅

翟善見本部尚書洪武二十六年以文選員外署尚書事善於其職陞侍郎仍署部事

田炯字三三山西大同府大同縣人洪武中由貢入太學試稽勲郎中二十六年陞吏部左侍郎二十年免

鄭昌字三三山西潞安府襄垣人洪武二十一年歲貢試考功員外郎二十七年陞吏部左侍郎二十年致仕

湯仲行字三三浙江湖州府歸安縣人洪武三十年以稅戶人才拜吏部右侍郎三十一年免

王謙字

人洪武三十一年陞吏部右侍郎

茅大芳字

南直隸泰興人洪武中以儒士應辟典教

考績入朝太祖召對而悅之擢泰府右長史制詞褒美且
以董子輔相德業賜賚朝待之者甚寵方孝孺稱其志意偉然
深有得於正誼明道之旨革除元年擢右副都御史改吏部左
侍郎死靖難

練子寧名安以字行江西臨江府新淦縣人性英邁不凡幼從
鄉長者竹庄先生游竹庄命賦水竹居歌卽有千山暮雨石泉
通一夜春雷籜龍長之句竹庄大異之後游邑庠與金幼孜相
友善嘗謂之曰子後必爲名臣吾嘗爲忠臣洪武甲子領鄉薦

明年對大廷極言朝廷今日用人徇其名而不求其實以小善而遽進之以小過而遽戮之因力陳古人所以教養任用之道言甚剴切太祖嘉之擢置第二名進士及第授翰林修撰子寧益以名節自砥礪由是聲望蔚然中外咸以文學行義稱之滿三載丁母憂杜門屏跡力行古喪禮服闋仍除修撰建文帝立用廷薦拜吏部左侍郎子寧進賢退不肖多所建白革除二年辛巳罷都察院典刑獄改爲御史府知唐宋御史臺故事職專糾察子寧初調都御史靖難師起日夕畫策防禦曹國公李景隆奉命出師至北方密通款藩府賣國喪師謀秘未露子寧一日於朝班內執景隆陛前數之請速加誅建文帝不聽子寧

叩頭大呼曰賣陛下者必此賊臣備員執法不能除奸請先伏
誅上不樂罷朝北師渡淮廷中倉皇失措靖江王府直史蕭
用道衡王府紀善周是修上書論大計指斥用事者誤國書下
廷臣齊黃輩怒詬兩人子寧從傍沮之曰國事至此吾與公輩
罪不可逃尚怒言者乎顧所論吾過有則改之無則加勉耳訴
者愧而止成廟卽位李景隆於上前必欲殺之詔治奸黨子
寧不屈詆上不忠孝遂族誅詳國初都察院

毛泰字泰亨

人建文三年擢吏部左侍郎靖難師

入城與兵部尚書齊泰協謀守禦壬午年成祖入正大統列
左班文臣奸臣榜就戮赤其族

蹇義詳本部尚書建文三年任右侍郎壬午年轉左

陳洽字叔遠直隸常州府武進縣人自幼端重不爲兒戲讀書力學淹貫羣籍尤工於書法弱冠用薦舉擢給事中命點軍卒過其目輒識其面且記姓名弗忘有再至輒咎之叱令其去總戎懼請罪洽上其事太祖嘉之賜織金鴻鶴衣一襲又奏凡大臣犯重罪雖蒙恩宥不宜仍列本班必少加降抑以示勸懲上從之詔叙列八品九品班後洪武丙子父以真戍五開沒洽觸瘴癘冒危險間關五千餘里竟負骨歸葬焉未幾少保兵部尚書茹瑺薦其才可大用遂奪其情起復授文選司郎中壬午年成祖入正大統首陞爲吏部右侍郎階嘉議大夫量

才陞官銓衡惟允復署地官事益有聲永樂三年乙酉遷大理寺卿持法平恕民無告冤四年丙戌交趾黎賊構逆朝廷興師問罪命覘賊蹤跡調土兵三萬以佐總戎五年黎賊就俘交趾遂平改吏部左侍郎除交趾流官既還命掌春官事論功定賞人無間言繼署冬官名譽尤振歲己丑交趾餘寇簡定作亂仍命英國公張輔率師討之洽實叅贊機務遂擒其兇渠簡定而還時北寇猖獗車駕親征承命偕英國公訓練士卒於塞外辛卯復往鎮交趾以慈和綏輯其民先教化而後刑法夷人安之蠻俗爲之不變而窮阨荒裔絃誦之聲相聞乙未還京師以功陞兵部尚書詳國初兵部

許思溫字叔離直隸蘇州府吳縣人洪武二十九年以貢入太學選署刑部事尋除監察御史以事改揭陽知縣革除中復原職陞北平按察司副使成祖靖難擢署大興縣事奉勅集永平所屬民丁守禦多竭勞勩永樂元年以城守功陞北京行部左侍郎本年捧表入慶改吏部左侍郎二年命兼左春坊左贊善署尚書事六年卒於獄洪熙初追贈吏部尚書遣官祭其墓官其子俊爲大僕寺丞

師達詳南京戶部尚書永樂元年任右侍郎二十二年陞南京戶部尚書

國朝列卿紀卷之二十八終

國朝列卿紀卷之二十九

吏部左右侍郎年表

師

達

山東東阿人監生永樂壬午年任
右二十二年陞南京戶部尚書

郭

璉

詳尚書永樂
二十二年左

黃宗載

江西豐城人進士永樂二十二年
左宣德十年陞南京吏部尚書

王

讓

山東益都人鄉舉宣
德元年右四年卒

鄭

誠

江西南城人鄉舉宣德
五年右正統二年卒

魏

驥

浙江蕭山人鄉舉正統三年左八年
調南京歷南京吏部尚書卒諡文靖

洪

璵

浙江淳安人進士正
統三年右九年丁憂

李

敷

順天涿州人鄉舉王
統八年左十四年卒

張用瀚 河南荊縣人進士正統九年右本年謫陝西叅政

趙新 浙江富陽人鄉舉正統十年右本年出撫淮揚加吏部尚書

曹義 應天句容人進士正統十年右十四年左景泰元年陞南京吏部尚書

何文淵 詳尚書正統十四年三

俞山 浙江秀水人鄉舉正統十四年右景泰元年左加太子少保六年致仕

項文曜 浙江淳安人進士景泰二年右三年左天順元年謫戍

李賢 河南鄧州人進士景泰五年右天順元年左歷少保吏部尚書華蓋殿大學士詳內閣

孫弘 陝西渭南人鄉舉天順元年左二年丁憂

姚夔 詳尚書天順二年左

崔恭 見尚書天順四年右五年左

尹 旻

詳尚書天順七年
右成化五年左

葉 盛

直隸崑山人進士成化五年
右九年左十年卒謚文莊

劉 珩

山東壽光人進士成化十年左十一年入閣歷
太子太保戶部尚書文淵閣大學士卒詳內閣

陳 俊

福建莆田人進士成化九年右十一年左
十三年陞南京戶部尚書詳南京吏部

黃 鎬

福建閩縣人進士成化十一年右十
三年左十六年陞南京戶部尚書

耿 裕

詳尚書成化十三
年右十六年左

黎 淳

湖廣華容人進士成化十六年右二
十一年改南更左歷南京禮部尚書

徐 溥

直隸宜興人進士成化二十二年左二十三年
入閣歷少師吏部尚書華蓋殿大學士詳內閣

劉 宣

江西安福人進士成化二十二年右二十三
年左弘治三年陞南京工部尚書卒謚文懿

楊守陳

浙江鄞縣人進士成化二十二年右
弘治二年左卒贈禮部尚書謚文懿

張悅

直隸華亭人進士弘治二年右五年左六年陞右都詳南京兵部尚書加太子少保卒謚莊簡

彭韶

福建莆田人進士弘治三年左五年陞刑部尚書卒贈太子少保謚惠安

周經

山西陽曲人進士弘治五年右六年左九年陞戶部尚書加太子太保卒贈太保謚文端

吳寬

直隸長洲人進士弘治六年右七年丁憂

秦民悅

直隸舒城人進士弘治七年右本年丁憂

侶鍾

山東鄆城人進士弘治八年右九年左十一年陞右都

吳寬

見前弘治九年再右十一年左十二年改掌詹事歷禮部尚書兼學士卒謚文定

秦民悅

見前十一年右十二年陞南京吏部尚書歷南京兵部戶部卒謚莊簡

林瀚

福建閩縣人進士弘治十二年右尋轉左十三年陞南京吏部尚書歷南京兵部卒贈太子太保謚文安

韓文

山西洪洞人進士弘治十三年右尋轉左十六年陞南京兵部尚書改戶部加太子太保卒贈太傅謚忠定

王

鏊

直隸吳縣人進士弘治十三年右十六年丁憂

焦

芳

見尚書弘治十六年左歷內閣少師

梁

儲

廣東順德人進士弘治十六年右正德元年左二年改詹事入閣歷少師華蓋殿大學士卒贈太師謚文康

王

鏊

見前正德元年左本年入閣歷少師兼太子太傅戶部尚書護身殿大學士卒贈太傅謚文恪

江

澗

浙江仁和人進士正德元年右二年左三年陞南禮部尚書卒贈太子少保謚文昭

白

鉞

直隸南宮人進士正德二年右三年左本年陞禮部尚書加太子少保卒贈太子太保謚文裕

張

綵

詳尚書正德三年左

王

瓊

詳尚書正德三年右

柴

昇

河南內鄉人進士正德三年右四年左五年陞南京禮部尚書歷南京兵工二部贈太子少保

孫

交

湖廣鍾祥人進士正德四年右五年調南京吏部歷戶部尚書加少保卒謚榮僖

李瀚 山西澤州人進士正德五年右尋轉左本年陞南京戶部尚書贈太子少保

靳貴 閩歷太子太保武英殿大學士卒贈太傅謚文僖

傅珪 直隸清苑人進士正德五年右六年左陞禮部尚書卒贈太子少保謚文毅

劉春 四川巴縣人進士正德六年右尋轉左八年陞禮部尚書加太子少保卒贈太子太保謚文簡

蔣冕 廣西全州人進士正德六年右八年左九年掌詹事尋入閣歷少傅謹身殿大學士

王璟 山東沂州人進士正德八年右九年左十年陞右都歷左都御史加太子太保卒贈少保謚恭靖

毛澄 直隸太倉人進士正德九年右十年左十二年陞禮部尚書

毛紀 山東掖縣人進士正德十年左本年陞禮部尚書入閣歷少保武英殿大學士卒贈太保謚文簡

王鴻儒 河南南陽人進士正德十年右十二年左十四年陞南京戶部尚書謚文莊

廖玘 詳尚書正德十二年右十四年左

羅欽順

詳尚書正德十六年

秦金

直隸無錫人弘治癸丑進士正德十六年推
本部右未任歷南京兵部尚書加太子太保

胡世寧

浙江仁和人進士正德十六年推本部右未任
歷兵部尚書加太子太保卒贈少保謚端敏

汪俊

江西弋陽人進士嘉靖元
年左二年陞禮部尚書

何孟春

湖廣郴州人弘治癸丑進士嘉靖
元年右三年左本年改南京工左

賈詠

河南臨潁人進士嘉靖二年左三年
掌詹事入閣歷少保武英殿大學士

孟春

山西澤州人弘治丙辰進士嘉
靖三年右尋轉左六年致仕

汪偉

江西弋陽人俊弟弘治丙辰
進士嘉靖三年右本年致仕

溫仁和

四川華陽人進士嘉靖三
年右六年左本年省親

桂萼

見尚書嘉靖六年
左歷內閣少保

方獻夫

見尚書嘉靖六年
左歷內閣少保

董

玘

浙江會稽人弘治乙丑進士嘉
靖六年右尋轉左九年丁憂

余

祐

江西鄱陽人弘治己未進士嘉
靖六年推本部右未任致仕

徐

縉

直隸吳縣人弘治乙丑進士嘉
靖七年右九年左十年間住

唐

龍

詳尚書嘉靖九
年右十年左

嚴

嵩

江西分宜人弘治乙丑進士嘉靖十年左本年
陞南京禮部尚書歷內閣少師華蓋殿大學士

周

用

詳尚書嘉靖十
年右十一年左

許

誥

河南靈寶人尚書進子讚兄弘治己未進士嘉靖十
一年右本年陞南京戶部尚書贈太子太保謚莊敏

張

潮

四川內江人正德辛未進士嘉靖十一年右
十二年終養十五起復補右十六年轉左

席

春

四川遂寧人正德丁丑進士
嘉靖十二年右本年致仕

廣東南海人正德甲戌進士嘉靖十二年左十五
年陞南京禮部尚書歷禮部尚書加太子少保

張邦奇 浙江鄞縣人進士嘉靖十二年右十五
十六年掌翰林院歷南京兵部尚書謚文定

溫仁和 見前嘉靖十五年以左侍郎掌部事歷禮部
尚書加太子少保卒贈太子太保謚文恪

張潮 見前嘉靖十五年右十六年左二十
年掌翰林院歷禮部尚書兼學士

李如圭 湖廣澧州人弘治己未進士嘉靖十
六年右十七年遷戶左歷戶部尚書

顧璘 應天上元人弘治丙辰進士嘉靖十七
年推本部右未任歷南京刑部尚書

歐陽鐸 江西泰和人正德戊辰進士嘉靖十九
年右二十年致仕卒贈工尚書謚恭簡

王學夔 江西安福人進士嘉靖二十一年左二十
四陞南京禮部尚書歷南京吏兵二部

張治 湖廣茶陵人進士嘉靖二十一年右
二十三年左掌翰林院事詳內閣

徐階 直隸華亭人進士嘉靖二十三年右二十
四年左二十六年掌翰林院歷內閣少師

韓邦奇

陝西朝邑人正德戊辰進士嘉靖二十四年右二十五

劉儲秀

陝西咸寧人正德甲戌進士嘉靖二十五年右二十六

王道

山東武城人正德辛未進士嘉靖二十六年右本年卒

潘璜

直隸婺源人正德辛巳進士嘉靖二十六年左二十八

丁汝璉

山東霑化人正德辛巳進士嘉靖二十六年右二十八

王邦瑞

河南宜陽人正德丁丑進士嘉靖二十八年右二十九

李默

詳尚書嘉靖二十年右本年左

應大猷

浙江僊居人正德甲戌進士嘉靖二十九年右三十年

葛守禮

山東德平人嘉靖巳丑進士三十年右三十二年左

程文德

浙江永康人嘉靖巳丑進士三十二年左三十二年改兼學士掌詹事府

孫陞 浙江餘姚人嘉靖乙未進士
三年左本年丁憂三十五年不起

郭朴 河南安陽人嘉靖乙未進士
三十二年右三十三左

鄭曉 浙江海鹽人嘉靖癸未進士三十四年
左陞南京吏部尚書改右都佐理戎政

吳山 江西高安人嘉靖乙未進士
三十五年左陞禮部尚書

孫陞 見前嘉靖三十五年
右陞南京禮部尚書

馮天馭 湖廣蘄州人嘉靖乙未進士
三十六年右陞刑部尚書

茅瓚 浙江錢塘人嘉靖戊戌狀元
三十九年左四十年養病

袁煒 浙江慈谿人嘉靖戊戌
進士四十年左歷內閣

嚴訥 見尚書嘉靖四十
年左陞禮部尚書

張永明 浙江烏程人嘉靖乙未進士四
十年右陞刑尚改都察院左都

李春芳 直隸興化人嘉靖丁未狀元四十一年左

朱衡 江西萬安人嘉靖壬辰進士四十年右四十四年左陞南京刑部尚書

毛愷 浙江嘉善人嘉靖乙未進士四十四年右

胡松 直隸涿州人嘉靖己丑進士四十四年左

吳嶽 山東汶上人嘉靖壬辰進士四十五年任右轉左

陸樹聲 直隸華亭人嘉靖辛丑會元四十五年推右未任

王本固 直隸邢臺人嘉靖甲辰進士隆慶元年任右轉左

殷士儋 山東歷城人嘉靖丁未進士隆慶元年任右

林爍 福建閩縣人嘉靖丁未進士隆慶二年任右

陸樹聲 見前隆慶二年起右未任

呂調陽

廣西臨桂人嘉靖庚戌
榜眼隆慶三年任右

靳學顏

山東濟寧人嘉靖乙未進
士隆慶四年任右轉左

張四維

山西蒲州人嘉靖癸丑進
士隆慶四年任右轉左

魏學曾

陝西紫陽人嘉靖癸丑進
士隆慶四年任右轉左

劉光濟

直隸江陰人嘉靖甲辰進士
隆慶五年任右六年轉左

諸大綬

浙江山陰人嘉靖丙辰
狀元隆慶六年任右

陶大臨

浙江會稽人嘉靖丙辰榜眼萬曆元
年任右二年卒贈禮部尚書謚文僖

丁士美

直隸清河人嘉靖己未狀元萬曆二年任右二年陞
左兼侍讀學士本年丁憂卒贈禮部尚書謚文恪

何維栢

廣東南海人嘉靖乙未進士
萬曆二年任右三年轉左

馬自強

陝西同州人嘉靖癸丑
進士萬曆三年任左

陳 炯

江西臨川人嘉靖辛丑進士
萬曆三年任右五年陞左

申時行

直隸吳縣人嘉靖壬戌狀元
萬曆五年任右六年陞左

嚴 清

雲南後衛籍浙江嘉興人嘉靖
甲辰進士萬曆五年任右轉左

姚弘謨

浙江秀水人嘉靖癸丑進士
萬曆五年任右六年陞左

沈應時

河南衛人嘉靖庚戌
進士萬曆六年任右

余有丁

浙江鄞縣人嘉靖壬戌探花萬
曆八年任左九年掌詹事府

趙 賢

河南汝陽人嘉靖丙辰進士萬曆七年任
右八年陞左十一年陞南京吏部尚書

王 篆

湖廣夷陵人嘉靖壬戌進士萬曆九
年任右十年陞左本年致仕爲民

陳經邦

福建莆田人嘉靖乙丑進士
萬曆十年任左兼侍讀學士

張士佩

陝西韓城人嘉靖丙辰進士萬曆十年任右十一年
陞左本年陞南京戶部尚書本月以左侍郎致仕

王家屏

山西山陰人隆慶戊辰進士萬曆十二年任右本年陞左兼東閣大學士

沈鯉

河南商丘人嘉靖乙丑進士萬曆十一年任右本年改左仍兼侍讀學士十二年陞禮部尚書

陸光祖

浙江平湖人嘉靖丁未進士萬曆十一年右本年改左

李世達

陝西涇陽人嘉靖丙辰進士萬曆十二年任左十四年陞南京吏部尚書

沈一貫

浙江鄞縣人隆慶戊辰進士萬曆十二年任右十四年左俱兼侍讀學士十五年加太子賓客給假

吳時來

浙江僊居人嘉靖癸丑進士萬曆十四年任右

朱賡

浙江山陰人隆慶戊辰進士萬曆十五年任左教習庶吉士十六年回部管事

趙煥

山東掖縣人嘉靖乙丑進士萬曆十五年任右十六年左十七年養病

徐顯卿

直隸長洲人隆慶戊辰進士萬曆十六年任右兼侍讀學士日講十七年給假

于慎行

山東東阿人隆慶戊辰進士萬曆十七年六月改左七月陞禮部尚書

孫 鑑 浙江餘姚人嘉靖丙辰進士萬曆十
七年任左十八年陞南京吏部尚書

趙志臯 浙江蘭谿人隆慶戊辰進士萬曆十
八年任右兼侍讀學士十九年左

東貞吉 江西南昌人嘉靖己未進士萬曆十
八年任左九月陞南京右都掌院

王用汲 福建晉江人隆慶戊辰進士萬曆十八年由
南兵侍郎改左十九年陞南京刑部尚書

吏部左右侍郎行實

師達字九達山東兗州府東阿縣人洪武二十五年以國子生擢監察御史歷兵部右侍郎壬午年 文皇入正大統改吏部右侍郎爲人有德量協尚書舉義持衡公平人不可干以私永樂四年命採木湖廣七年命督北征餽運十一年十五年十八年 車駕巡狩北京俱扈從行在自十五六年以後 文廟有病多不出扈從之臣放肆無顧藉請託賄賂公行無忌此事已徹九重俱未發露惟達砥礪廉隅苞苴不敢入上深重之會十八年定鼎北京 仁宗入覲卽問兩京臣寮有能守廉否對曰無敢不守 上曰扈從來此者賄賂競行其能守廉惟吏部侍

郎師達一人汝當知之及二十二年仁宗嗣位陞南京戶部尚書兼署吏部事益有所本云餘詳南京戶部

郭璉詳尚書永樂二十三年左

黃宗載字

江西南昌府豐城縣人洪武丁丑進士授行人

歷官左右司正永樂癸未授湖廣按察僉事務以德化人尋以不糾都指揮吳平貪暴謫楊青驛癸巳起山東道御史侃侃自持尋丁祖母憂奪情改貴州道宣宗正位東宮選充輔導權詹事府丞永樂二十二年陞行在吏部左侍郎時少師蹇義猶兼領吏部事多倚之宗載協力一心進退人才必合公論不苟爲異同故一時號得人洪熙元年賜誥命制詞有清淑平恕

公謹厚重之褒是年遣祀夏禹及南鎮會稽山因賜鈔八百錠俾歸焚黃於墓下其後嘗奉命往浙江理軍政及伐宮殿大材於湖湘設施措置舉不失其宜故事集而民不告勞宣德十年英宗嗣位顧南京根本重地建置百司以吏部爲之首宜得謹厚大臣往蒞之九月以命宗載陞辭之日詔進吏部尚書以行餘詳南京吏部

王讓字宗禮山東青州府益都人幼勤敏端恪讀書日積寸馳聲庠序間事親有孝行嘗廬墓致涌泉之應洪武末由鄉薦授國子學錄施教以孝爲先文藝書翰皆在所略諸生有以羅難告者讓一聞涕淚輒下以故多所感化永樂十年八月癸酉

文皇帝特簡侍 皇太孫讀書大司成胡儼薦讓老行 上謂侍
臣曰孝者百行之原也君子之所當則也故詩曰有孝有德朕
聞讓孝於其親故擢用之讓在講筵首陳堯舜之道惟在孝弟
人主躬行孝弟則天下感化不勞而治每談經必端凝拱立敷
宣明暢 皇太孫敬而愛之時同事之臣陳山張瑛以順 旨
被寵戴綸林長懋則強諫不少詭隨惟讓讓卑自牧簡默寡言
每進規諷亦委曲切中事情 皇太孫歛容聽之益加禮重及
扈從北行常被 召見厚加賜予十八年九月甘泉縣學教諭
張昇東阿縣學韓岫永年縣學教諭劉順皆被 簡擢爲國子
博士侍 皇太孫讀書讓雖先進以官序折節下之意每恬然

也二十二年始陞北監助教洪熙初 皇太孫正位東宮讓進
左春坊庶子未幾 東宮卽位是爲 宣宗章皇帝宣德改元
以輔導功首陞讓爲吏部右侍郎山瑛及綸等皆居其次時讓
同官黃宗載負才學尚氣槩讓每退遜宗載遂和衷交好日密
居部二年因浙江秋租負欠積多 命督理未幾卒於官時七
十四讓言若不出諸口而褫身素履人所不及海歷榮顯恭儉
若布衣時爲上簡注未嘗矜耀忠亮清介始終如一士林重之
鄭誠字文質江西建昌府南城縣人自少刻志問學選爲邑庠
生究春秋之旨同輩自以爲莫及永樂辛卯應鄉薦入爲太學
生夙夜淬礪器宇日充歷事冬官以勤慎自效擢爲吏部司務

於職克稱尋以侍郎師達薦陞考功員外郎誠雖年少居要職
動履謙恭事先輩以禮課公責實無所徇人以是多之未幾丁
內艱痛念母疾弗克躬侍湯藥哀毀逾禮及葬陰雨不止號泣
籲天天稍霽人以爲孝感所致制未終特起改文選員外郎尋
轉郎中時同官孫瑛號稱狷介少許可於誠獨加敬讓宣德丁
未歸省還朝仍故職五年庚戌以少師蹇義薦爲吏部右侍郎
選任精審敷奏詳明尤爲衆所推 宣廟嘗召問庶官品級及
居職者賢否誠歷對稱旨遂受寶帶襲衣之賜十年 英宗嗣
位益致公勤雖故舊執贄見却不納鄉人有爲太學生者於誠
有宿怨及當受官自謂必見抑誠惜其才擢寘五品其所守所

行類此正統戊午十一月以疾卒於官 上遣禮部尚書胡濙致祭仍命有司治葬事大學士楊士奇作墓志稱其御史不威而嚴下亦莫之敢欺權貴有所干不肯苟徇親故有干弗得者造誣騰誹知而弗校友諸弟事師如父交友以誠有淪落憂患者極力扶之遇名賢子弟率異視之其天性仁厚如此

魏驥字仲房浙江紹興府蕭山縣人永樂乙酉舉人授松江府學訓導陞太常寺博士歷行在吏部考功司員外郎礪操介以直道自持不與俗浮湛名徹公卿間久之陞南京太常寺少卿正統三年陞行在吏部左侍郎八年以老辭調南京吏部左侍郎歷尚書致仕卒謚文靖爲時名臣詳南京吏部

洪璵字宗器浙江嚴州府淳安縣人。父堪登洪武丁丑進士。拜監察御史。父源以貢授江西安仁掌教。璵自幼聰敏。不佞孳兒歲丙申。源以考績調福州府學。時璵年已弱冠。侍父肄業。越四載。積學有成。乃貫宦籍。領閩鄉薦。明年辛丑。登進士第。爲人疎慢。好褒貶人。以才學自負。人言不慚授刑曹主事。自矜其高。癸卯。改工部都水司督陝西邊稅。回見大學士楊士奇。大言其設施之法。士奇不考其實。異之。正統元年。薦充經筵講官。預修宣廟實錄。丁巳。轉翰林侍讀。荷殊錫。龍章御書寶鈔。織金等物。尋命主考京闈。庚申。超擢吏部右侍郎。及秉銓衡。驕矜愈甚。士林咸惡之。壬戌。母夫人故陳情守制。遣行人尚禱諭祭。已

世服闋升次京畿張家灣以士奇故鬱鬱而頌年五十有二
李敬字居學順天府涿州人生五歲始能言爲州學生永樂公
未經魁入國子監因言事切直受知 仁廟命有司給以腳力
每朔望率諸生朝見後授京衛經歷陞戶部主事歷禮部員外
郎持已嚴厲臨事剛決銳於建立十七年陞江西右叅議所至
吏奸民隱纖微洞燭號令必行無能撓者宣德二年陞四川左
布政使益礪廉隅官中物不私一毫志鋤奸豪有犯法者繩之
不少貸蜀人稱爲鐵面李在川中十六年威惠並行治體用張
正統八年召爲吏部左侍郎協王文端公直持衡公平人有定
守後以疾卒於官

張用瀚字志行河南南陽府郊縣人宣德癸丑進士授戶部主事正統元年進員外郎出納謹飭操守不渝四年調吏部考功司員外郎六年陞驗封司郎中於公侯襲爵及百官封贈知守舊章不敢訛法尚書王直喜其謹厚特薦陞吏部右侍郎未幾同官忌之構以罪戾謫陝西右叅議歷叅政卒於官

趙新字日新浙江杭州府富陽縣人永樂乙酉舉人入國子監與修永樂大典十一年授工部屯田司主事二十一年陞吏部稽勲司郎中宣德五年陞行在吏部右侍郎巡視江西地方討平蠻寇兼督稅糧察吏治詢民瘼定征歛蠲浮費勸民出粟賑饑議以漕淮之舟順載江西之粟兵農兩利正統四年改南京

吏部右侍郎六年調南京禮部八年丁父憂十年起復留吏部
右侍郎怙勢自用時考功郎中彭勗負時名行事公直與新不
合新面以言誘之勗曰勗所知守成憲耳徇時干位非素志遂
奏調勗爲郡不報已竟補山東副使士論不平尚書王文端重
之莫能主十三年江淮多事出爲江淮巡撫

曹義字子宜應天府句容縣人永樂乙未進士改庶吉士歷翰
林院編修轉儀制司主事仍直翰林宣德乙卯陞吏部文選司
員外郎遂專職銓選大學士楊士奇最重之每與商論人物別
白賢否必據其實有不協者反覆不已楊樂從之正統癸亥知
者薦爲浙江叅議上特留之明年陞文選司郎中又明年陞

吏部右侍郎士大夫相慶以爲得人義盡心率職品量人物鮮有不當時泰和王直爲尚書以義精選法凡黜陟賢否一以託之然義事王甚謹於事可否非經咨決不輒行以故王待之益厚且密嘗謂人曰曹公端人也己巳秋北虜犯京師奉勅提督官軍守衛正陽崇文二門晝夜不遑寧處者凡十餘日防範嚴謹虜避不敢近尋轉左侍郎時當多事之秋屢有建白其見諸施行者人用悅服景泰改元陞南京吏部尚書詳南京吏部何文淵詳尚書正統十四年左

俞山字積之浙江嘉興府秀水縣人自幼風骨秀爽志趣不凡弱冠補郡庠生治春秋從西園李先生講學專業不懈至忘寢

食踰年卽得奧義永樂癸卯領鄉薦以祖妣周氏年老不忍去
左右就養者三載宣德丁未乃入太學時祭酒四明陳敬宗師
道尊嚴慎許可六館之士肅然惟待山以色庚戌春遂中乙榜
人或諷之曰以子之才乃屑就邪山曰命也不可強遂得蘇之
崑山訓導崑山之士樂其善教莫不爭先奮勵底於成俄丁外
艱諸生有隨之抵家受業者正統丙辰服闋調常之宜興時親
友楊氏適主師席遂同心率教士習丕變未幾丁祖母憂宜興
之士思之不置爭詣提學御史留之弗果正統庚申服除赴京
時朝廷嚴勅吏部擇儒官以輔親藩人皆托故避之山曰顯
晦自有定數吾何避爲遂選擇郡王府伴讀旣居其職若將終

身日勤講說不少輟喉微窘略不介意弟子從遊者益衆正統
己巳景帝嗣位進鴻臚左寺丞時都御史楊善掌寺事雅重
之薦陞左少卿踰月拜吏部右侍郎尋轉左侍郎壬申易儲進
太子少傅復賜誥命進階資善大夫久之忽嬰風疾朝廷
屢遣太醫往視景泰乙亥上疏乞骸骨不許且慰留之踰年請
之益切人或謂曰委任方隆疾已漸瘥何苦欲休山曰隆替相
尋亦理之常吾非不戀明時揣分宜休況以疾乎復上疏懇辭
賜乘驛舟以歸卒於途天順改元十月九日年五十有九山爲人
敦厚簡靜在藩邸時常衍義經書纂成講章尤善諷諫屢有裨
益及顯用之日不市私恩人皆稱爲長者景泰初議迎復之禮

奮然曰鑾輿回則人心安力贊其成言官有持正被嫉者曲爲調護竟致顯用其佐銓衡人才多所拔用未嘗自言曰薦賢爲國豈爲私也但易儲之際貪官保而不言不免蹈患失之戒云項文曜字應昌浙江嚴州府淳安縣人性穎悟絕倫年十九以春秋擢鄉試第二宣德八年癸丑登進士觀政兵部尚書王驥奇其才俾修馬政復奉使西洋各以能稱授兵部主事未幾征麓寇及整飭遼東邊備皆著勞効尋除本部職方司郎中正統十四年北狄犯邊車駕北狩時于謙爲兵部尚書喜其有才遂陞兵部右侍郎爲人機警善因事以成謙之美故謙多信任之景泰二年吏部缺右侍時欲用文選郎中李賢因嫌於陞本

部與王直並又因謙薦文曜遂調陞吏部陞李賢爲兵部右侍郎代文曜及至吏部何文淵同王直爲尚書見寵於景帝復阿附之三年以易儲轉左兼少詹事言官劾其險邪謙力庇之訓導吾豫景泰中應薦至京以屢言邊事兵部奏宜邊用而在邊久不得支俸請於吏部文曜曰是嘗攬我兵部者何可與之王直曰官必有俸自須與之然竟亦莫能與也及英廟復辟給事中王鎮等劾文曜爲謙黨都御史蕭惟禎亦太監曹吉祥所薦引文致謙罪以爲欲行主立外藩依謀反者律凌遲處死文曜爲知于謙謀反故縱者律斬奉旨謙處斬文曜免死發口外永遠充軍

李賢字原德河南南陽府鄧州人宣德癸丑進士正統丙辰授吏部驗封司主事會有旨文武誥勅三年不得請必候九年者賢以職守所在復上言此獎勵臣下之良法若候九年則得者恒少不得者恒多廉貪不分勸懲不立乞仍舊便後卒從賢言乙丑陞考功郎中踰兩月丁母憂久之轉文選郎中候終制赴京賢官吏部更三任率公暇手不釋卷尚書王文端公直以公輔期之而少師楊文貞公每以不識賢爲歉南陽知府陳正倫文貞友也因要賢往見之賢不肯曰無一面之雅而造門是求知也士大夫兩賢之辛未冬以廷薦陞兵部右侍郎壬申奉命察四川有司之不職者癸酉還京改戶部甲戌轉吏部右侍郎

詔頒君鑑錄於羣臣賢釋其中善可爲法者二十二君又詮其最切者數事曰鑑古錄上之蓋深有意效忠於上爲孝友恭儉之事而力莫能與英宗復位一時輔臣多竄殛遂以人望召賢兼翰林院學士入內閣典機務未幾進吏部尚書仍兼學士六月爲石亨等構陷謫福建右叅政未行留爲吏部左侍郎踰月復入閣詳內閣

孫弘字崇道陝西西安府渭南縣人宣德己酉舉人授肥縣知縣以才力有餘改知洛陽縣性員活不羈善順指上官意素無實惠及民景泰元年考滿赴京時石亨爲總戎以鄉戚囑吏部陞太僕寺寺丞七年又管陞太僕寺少卿天順元年石亨等

門奉 英宗復辟貪天之功營陞工部左侍郎弘怙勢營陞驟致通顯其爲清論所斥二年丁憂 上召學士李賢曰孫弘豈勝吏部賢曰誠如聖諭 上又恐其謀奪情卽令守制五年謫大理府通判

姚夔詳尚書天順二年任左

崔恭見尚書天順四年任右五年轉左

尹旻詳尚書天順七年任右成化五年詳左

葉盛字與中直隸蘇州府崑山縣人自幼穎異博學強記下筆驚人同邑知名士張和見其所業人曰此其志不可量因勸游邑庠遂駸駸有成正統乙丑舉進士授兵科給事中毅然言責

自任十四年 英皇北狩 郕王監國奉司川劾將至邕泥者
失律敗事請誅夷之以謝天下然後選將練兵以復不共戴天
之讐興師問罪以除大逆不廷之賊如此則大綱以正大義以
明而 聖駕之旋軫可期矣聞者壯之九月 監國卽位頒賞
廷臣盛以時艱辭不許十月京城戒嚴又具請罷內府軍匠悉
遣征操及虜騎近城又請令有司熟糧料以給戰士遣散卒迎
取軍器於天津以張外援三四日間凡七八疏悉合機宜虜旣
退盛言賞功罰罪治天下要務今日之賞罰旣行他日之勸懲
攸繫賞罰明信則人人力於事功恥無不雪讐無不復矣今效
勞如孫鏗死事如謝澤韓青皆當賞以示勸其他守關不嚴

雖不力者皆當罰以示懲從之十一月陞都給事中時邊境未
寧大臣有奏留邊將守京師者盛言今日之事邊關爲急往者
獨石馬營不棄則六師何以陷土木紫荆白羊不破則虜騎何
以薄都城卽此而觀邊關不固則京師雖守不過僅保九門無
事而已其如 陵寢何其如 郊廟壇壝何其如田里之民荼
毒何宜急遣固守宣府居庸爲便已而河南陳州流民煽動
命往視卽兼程以進除貪虐賑饑寒威惠並行民用安輯景泰元
年春還復上言京城天下根本而八府旱蝗相仍加以虜寇侵
擾民不聊生乞議寬恤俾安生理不然臣不能不爲 社稷憂
也三月久旱兩京災異亦迭見偶會禮科都給事中李實吏科

給事中毛玉御史陳叔紹羅篪相與惋歎盛因曰自昔災異皆君臣引咎今事在內則大臣之罪不容辭而我輩臺諫之臣緘默無補病國尤重在外病民者非一而各藩鎮中官病民尤重兩事當首言之實曰此言誠是科中稿明早當就君取觀旣而盛曰兩事當先後言蓋言羣臣朝廷寬大多不從言之類文具而中官則必欲取回者若並言之萬一上戒飭之命再舉則難然必得羣臣會奏庶幾可濟因請謁諸大臣如金尚書濂等皆佯贊可行無實心且互爲推讓無肯居奏牘之首者一日兵部尚書于公謙謂盛言中官事言之有名矣近南京周敘學士言事中及之外人來言更便也未幾兵部因他事奏官多

民擾略及乞將各處公差內外官員量取回京有旨內官不
動又數日會議及叙奏有言此亦有例見行侍郎儲懋卽揮
筆批定盛因曰此誠民病今既有言者若衆因之則合辭上
請上或可從時惟左都御史陳鑑力贊會奏戶科都給事
中馬顯忽言此事今日兵部有奏聖斷已不允矣盛曰人臣
論事但當觀事體如何且主上仁明多有得旨已行因論
列而卽改者今事有當行豈可自沮而上負朝廷下負主者
耶禮部胡公浹廼易批會奏竟不果他日因其奏南京沿江
盜賊乞行御史錦衣衛巡捕刑部尚書俞士悅以爲當准擬盛
曰錦衣官校近已革去當止行御史蓋兩月前亦因言者革之

而刑部偶忘之也他日又因馬顯言戶部請議節省用費顯意欲裁戶部額外官嘗有後言而對衆又不言金尚書濂因略言不可之故扣之亦不言盛曰用八之際此宜少緩嘗聞宣德中內府工作答應之人多與軍職雖老病不代支全俸此輩正亦冗食金云此當卽查行旣出有大臣呼盛曰適言冗食官尚再細與尚書言之盛初不虞其僞也而大臣退語同官曰葉某在議事處如有少保責任在已者然我名之爲少保云八月北虜入駕還京將入關矣有隱名具帖言迎復事者禮部尚書胡濙手具衆觀之大臣顧忌不敢舉盛曰此野人無情之言達於動必矣都御史王文沮以匿名書盛不顧具疏之有

書胡濙封進帖雖留中而正論有不泯焉是冬盛以北虜南蠻
爲患不已上疏請令中外文武要職各陳安邊濟時之策二年
六月天象示異又條陳弭災防患十二事以上及聞禁中頗事
遊畋又請舉行 祖宗午朝故事中書舍人何觀言少師兼吏
部尚書王直等正統中皆阿附權奸今此輩老猾不宜在左右
及言北虜之來朝宜驅寘於南方忤 旨下六科十三道以
聞吏科給事中毛玉屬奏稿辭連罪觀林聰導之易不從林以
告盛因與偕往時六科皆索稿閱玉以 上促奏急閱之恐後
索之再始出以相示盛曰觀之說固踈其前言老猾蓋意在大
臣但辭連權奸中貴人激怒在此然終是言者諸君當熟思之

彙須易玉曰 上怒甚不可易盛曰當明觀槩指王直等爲老
猾非宜或可回悟 上心林聰言所引公會戎於潛亦非胡傳
本旨玉以東坡王者不治夷狄論對盛以玉遂非甚因曰此奏
引經不切未甚害事不易或可若辭有當易者須易之玉曰觀
嘗考滿不得陞私憾吏部爲此十三道已具此說稿不具此已
輕矣蓋時有大臣新遷吏部者嗾科道爲此說也玉素於盛厚
因附耳論此意盛曰雖不具與具等耳稿必再玉曰君念何執
欲佑觀耶盛謂曰 朝廷大開言路未嘗罪一言者雖罪觀猶
令我曹看議蓋甚盛德也君獨不念劉球乎球之死人至今以
王振馬順爲恨此雷霆之下萬一不測則是我曹爲之而成

朝廷不容言之名且諸君亦言官獨不爲他日身計乎玉意稍解
盛因抹去冒頭所謂誣陷大臣擅開邊釁及終所謂曰正觀罪
爲進言虛妄者之戒等語且益云指大臣王直等諸老猾於是
平皆曰好而退旣而奏入有 旨令錦衣衛杖觀若干且調外
盛當事之秋遇事輒形於疏每疏不下百千言而大要則以扶
忠直抑奸佞恤生民禦外患爲主其有裨於時政爲多三年遷
山西布政司右叅政監督宣府糧餉尋命協贊獨石等處軍務
先是獨石馬營八城遇虜失事殘毀未復盛列其利害可興革
者爲八條以進次第罷行之八城旣復乃立社學以教子弟置
醫藥以濟疾病立義塚以瘞死亡設暖鋪以便行旅均蔬圃以

給將士制度品式纖悉備具而又請官銀五千兩買牛千餘頭
摘卒不任戰者俾事耕稼歲課餘糧於官凡軍中買馬除器勞
功恤貧諸費皆於是乎取給自是邊人歡洽歲亦屢登有嘉禾
同穎之祥七年冬以外艱去八城之人如喪父母連章乞留盛
固辭不可天順二年 英宗皇帝嘉其能驛召至京面加獎諭
尋擢都察院右僉都御史巡撫兩廣盛乞終制不允至廣興利
除弊尤盡厥心舊例廣東鹽課不出境歲久鹽積商困往往賂
守關津者越過廣西市利盛以爲聽之則法壞而利歸於商禁
之則商滯而利歸於關津乃請許鹽商計鹽多寡入米餉邊而
後出境於是公私兩利之先是海賊嚴啓盛敵殺官兵拘留都

指揮王雄毅都司杜信盛命官軍擒之又龍水鳳弟吉殺指揮
陳廣聚等盛督大軍水陸並進擒弟吉等獻俘於京田州知府
岑紹老傳嫡子鏞頭目呂趙扶庶子鑑拒紹逐鏞私通交趾殺
鑑以幼孫呂嬰冒襲盛執趙誅之四年藤縣民胡趙成構大藤
峽徭賊攻陷諸縣盛調兵擒成奪回印信五年大藤賊弗靖督
兩廣兵分道大攻擒斬賊三千二百七人燒房屋木倉一萬
七千二百間奪回人口五百三十一名牛馬器械船隻無算時
廣西流賊多入廣東爲害而兩廣守將頗頗自異是以討賊不
成功乃請革兩廣正將立總鎮於梧州居中調度則賊可平矣
衆難其策而不果行盛不得已請益兵 英宗乃命都督顏彪

率兵赴之盛與彪協議破賊若八百所擒斬數萬人而還武又以殺降謗之而不知實積年反復賊也天順八年 憲宗嗣位陞左僉都御史巡撫宣府修復官牛官田之法懇田益廣積糧益多以其餘歲易補戰馬千八百餘匹其屯堡廢缺者力修築之不數月完七百餘所兵民雖始怨之旣而恃以無恐乃欣戴焉在宣府屢有建白且請行養老之令於邊褒恤已往賢臣爲方來勸 上嘉納之成化三年陞禮部右侍郎五年改任吏部是冬持節封 瀋府稷山王六年畿內大饑命巡視真定保定二府賑恤貧困綏輯流亡旣還復命賑濟京民之饑者全活甚衆八年北虜出沒河套爲西邊患有言增兵守險者有言大舉

搜套驅出河外沿河築城堡抵東勝從民耕守其中者盛受命
往議方略奏言搜河套復東勝此皆事勢所難不敢妄議惟增
兵守險可爲遠圖宜令守臣剗削邊牆增築城堡收新軍以實
邊選士兵以助守此不但可責近效而亦足爲長便也 上是
其言九年轉左侍郎盛自入蒞部政每議禮用人從容贊決其
間僚長敬信司屬悅服至若事非部分而關當時利害繫生民
休戚者遇諸卿必相辯正因而助益者不少十年甲午三月一
日坐後堂署事忽疾作不能言輿歸西第而卒年五十五謚文
莊爲人溫雅簡重崇道誼尚名節言動思致古人居家惇孝友
蒞官清慎勤恪設施不苟與僚友論事不激不隨而言色自若

其取人先行檢而後才藝然存心寬厚終不及人之過惡所寓
門無雜客公退手不釋卷考古辯疑殆忘寢食而於世俗聲色
財利之好澹然不以經心平生爲文師歐陽而功業自期於韓
范以范公爲鄉先正尤景慕焉所著詩文奏議總若干卷藏於
家

劉珣字叔溫別號古直山東青州壽光人正統甲子科年十九
以壁經赴省闈道經臨淄適河水泛溢僕馬俱溺水行半里餘
神色自若人大以爲異旣而果高第登戊辰彭時榜進士選入
翰林進學改庶吉士己巳授翰林編修景泰丙子修寰宇志成
陞修撰天順丁丑陞右春坊右中允甲申憲宗嗣位以宮僚

舊臣陞太常寺少卿兼侍讀成化丁亥預修 英廟實錄成陞
本寺卿仍兼舊職明年陞兼侍讀學士掌院事五年己丑主考
會試甲午陞吏部左侍郎猶與 經筵在部事無鉅細必揆諸
所學以公不以情亦不爲苛細矯激之行乙未陞兼翰林學士
擢入內閣詳內閣

陳俊字時英福建莆田縣人正統戊辰進士授戶部主事歷官
戶部右侍郎成化九年改吏部十一年轉左銓綜人物不以私
干堂屬每勸尚書尹旻抑奔競獎恬退寘正直被時摧折者必
陰扶默揀不使人知其操履清白無一毫淄染十三年陞南京
戶部尚書歷南京吏部清修愼重蕭然不異布衣爲時名臣

黃鎬字叔高福建福州府閩縣人正統乙丑進士擢監察御史
成化六年廣東左布政使八年歷陞都察院右副都御史總督
南京糧儲成化十一年陞吏部右侍郎十三年轉左爲人簡易
溫和不炫風迹以賢聲稱時尚書尹旻掌銓最久多自專主鎬
處以謙讓不侵犯其事尹亦重之十六年陞南京戶部尚書卒
贈太子少保謚襄敏詳南京戶部

耿裕詳尚書成化十三年右十六年左

黎淳字大樸湖廣岳州府華容縣人天順丁丑進士第一名授
翰林修撰歷官少詹事兼侍讀成化十四年擢吏部右侍郎在
吏部故事內批出翼日承行者必 陞陳補奏疏以防奸僞除

授寢廣有諷令勿奏者執不可諷者色沮久之竟停奏在部不受私餽不行請燭尤慎形跡事涉矯託輒窮本末必暴白乃已聞人有玷行雖所甚愛必摧抑不曲爲庇覆下至胥隸亦畏憚不敢犯二十二年調南京吏部歷南京工禮二部尚書卒謚文僖詳南京禮部

徐溥字時用直隸常州府宜興縣人景泰甲戌進士第二名授翰林院編修歷官禮部左侍郎成化二十二年改吏部性恢拓有雅度無一毫睚眦心時尚書李裕雖同年用人不必白於已一以安靖自處二十三年入閣加至少師詳內閣

劉宣字紹和江西吉安府安福縣人景泰辛未進士改庶吉士

國朝文苑英華 卷之二十一
授翰林院編修歷官南京太常卿掌南京國子監事成化二十
二年陞吏部右侍郎弘治元年轉左時尚書王端毅公恕右侍
郎楊文懿公守陳俱清德宿望爲海內具瞻宣亦剛直不苟同
於時凡王端毅執奏傳陞等弊俱力贊之弘治三年以老求閑
陞南京工部尚書詳南京工部

楊守陳字惟新浙江寧波府鄞縣人父自懲官止泉州倉副使
其在妊也母張宜入夢星落懷中及生天庭有黑子七如北斗
見者奇之五歲卽端恪如成人而才識穎達受業於祖栖芸先
生日記數百言稍長學舉業及爲古文辭屢出流輩四方多傳
其程試之文以爲式栖芸恐其弱此恒誨之曰聖賢之學以靜

思力踐爲要博聞強記輔此而已遂大有所悟入作致知力行持敬三銘以見志景泰庚午舉浙鄉試第一辛未舉進士被選翰林庶吉士未幾丁父憂而祖父母相繼卒居喪七年學識益邃遠天順戊寅服闋授翰林編修預修大明一統志尋被旨授徒內監辭不許憲宗卽位選爲經筵官預修英宗實錄成化丁亥以考績陞侍講踰月實錄成陞司經局洗馬每進講必積誠意傳經訓冀納忠以感悟上心一日講武成篇曰魯論稱舜無爲而治周書稱武王垂拱而天下治然後世人主有深居禁中委政內侍者召望夷之禍有高居無爲惟寵嬖黷者啓祿山之變何也蓋舜武之所以無爲者由其舉相去凶惇信

明義無一不盡其道皆常憂勞而有爲乃始佚樂而無爲也後
世人主則孟子所謂安其危而利其菑樂其所以亡者耳此聖
狂治亂所以異惟 陛下留神左右聽者悚然至於應制詩文
亦舉筆不忘勸戒壬辰遷侍講學士校刊通鑑綱目遂預修續
通鑑目以母喪去居官五品十六年所教中人已多貴幸凡預
教者率因之以進獨陳泊然無少藉有欲出力援之則謝曰我
嫠婦也抱節三十年矣乃垂老而改志耶縉紳往往傳誦其言
孝宗出閣被選日侍講讀會文華大訓成陞詹事府少詹事兼翰
林侍講學士大訓篇目多本大學衍義獨事涉中人者悉不以
書守陳曰是何以爲訓撮其賢否得失之故分註一條議者不

能奪守陳雖晚未遇而名重一時吏部嘗擬國子祭酒在廷大臣兩合辭舉堪吏部侍郎宜入內閣皆不果用 孝宗登極加恩舊僚始擢吏部右侍郎初當道猶擬南京 上覽疏取筆塗南京二字其被眷知如此 詔集議祧廟禮部侍郎倪岳請祧懿祖而以 德祖比宋僖祖百世不遷守陳抗言禮天子七廟祖有功宗有德乃孔子之言故凡號太祖卽始祖必事之以配天若商周之契稷皆以功而非論其本統也宋之僖祖及我 德祖可比商報乙周亞圉非契稷比議者徒議大儒嘗有取於王安石之說而不從孔子遂使七廟之間既有始祖又有太祖太祖旣以配天而不正南向之位名與實乖豈先王之禮哉若謂

降而合食爲非禮則王者旣立始祖之廟又推始祖所自出之
帝而祀之固無嫌也 憲宗升祔請升祔 德懿熙三祖自

仁宗以下爲七廟異時祧盡則以 太祖擬商周契稷而祧主藏
於後寢祫禮行於前廟時享則尊 太祖祫祭則尊 德祖各

不失尊庶無悖禮議者竟不能從弘治戊申上疏論講學聽政
累數百言大略謂 陛下御極以來屏棄珍玩放遠奇褻登用
正人聽納忠諫躬覽題奏日勤政務若此不懈可幾堯舜獨臣
愚猶過慮蓋革故正始猶易持久保終實難若內得弗深外資
弗博銳志少懈欲心漸滋豈能保其終始如一乞開 經筵御
午朝聽講之際凡所未明輒賜清問必待 聖心洞然明景而

後已一日之間居文華殿之時多處乾清宮之時少使欲寡而
清心惑少而理明則得於內者深而出治之本立矣午朝有事
者皆先用略節口奏而裁決之大政則召大臣面議未當則許
諫官駁正而審行之俾賢才常集於目前視聽不偏於左右則
資於外者博而致治之綱舉矣若但如近日之聽日講御午朝
以應故事凡百題奏皆付內監諸臣調旨批答臣恐積年之弊
未革而將來之患難測不但如前所過慮而已 優詔嘉納論
禮部以三月御 經筵禮部得請并午朝如楊某奏會修 憲
宗實錄 命兼副總裁守陳念更化初凡吏部有所陞黜人必
視其忠邪易險愿奸爲趨舍故侃侃持議雖取嫌忌於同列弗

苟徇也已酉再請解部事專史職不許章三上乞致仕且曰吏部進退百官衆怨所集聞望如王恕尚招人言况臣迂踈豈勝此任上不許始命以本官兼詹事府丞供職史館如故嘗言古人謂國可滅史不可滅我太祖既混一卽命儒官修元史太宗靖難後史官不紀建文君事遂使當時朝政與忠於所事者皆闕略無傳及今猶可補輯景皇帝已復位號而英宗實錄標目猶書郕戾王是宜改正章疏留中者雖有可傳例不得書乞宣付史館擇而書之奏未及上以十月十八日不起初太白犯進賢占者以爲賢人厄蓋其應云方疾革語其弟守陲男茂仁曰吾學至爲君子仕登三品年適六十斯何憾惟上恩

厚未能報先栖芸先生未及封汝曹勉圖報稱以繼吾志諸弟
暨男茂元不及訣其以是語之語訖不亂明白端坐而逝計聞
上悼惜賜謚文懿命官諭祭給葬事後二年實錄成 詔贈禮部
尚書又三年以 春宮舊恩許錄其孫美璜爲國子生所著述
有三禮周易尚書詩孝經大學中庸論孟私抄凡數百卷皆正
其錯簡更定其章句詮擇諸家之傳詮而傳以已見雖大儒之
說不苟同蓋晚年屢加刪定未始輕出也於書謂舜典象以典
刑一章乃舜命官語非史臣紀事之詞古者罪人不孥而漢書
引湯誓孥作奴蓋或奴或戮隨其罪之輕重施之也酒誥明人
命於妹邦疑明字本封字之誤不然則下文乃穆考文王終不

可通大誥今蠶今翼日蔡傳謂今之明日也疑以今翼爲句言武庚今無知如蟲之蠢動今有有輪如鳥之翼羽而以日字屬下句猶左傳曰衛不睦也於詩以卷耳爲大夫行役者之作謂陟岡陟阻馬疾僕痡非后妃思慮所及以栢舟爲非婦人之作謂其心不可轉威儀不可選正孔子所謂吾於栢舟見匹夫執志之不可易者也至以鄭衛之詩非孔子所謂鄭聲其辯尤詳大約謂春秋主事當無不載詩主辭當有所擇朱子修通鑑綱目於莽操呂武之事靡不備載其續楚辭則神女季姬皆斷爲禮法之罪人高唐賦亦視爲倡家之讀禮若鄭衛諸篇非刺淫而果爲淫者所自作聖人必不錄之矣其超然獨見多先儒所

未及者又有五經考證大易私徵春秋私比等書皆未稅稿雜著詩文有晉菴鏡川稿東觀稿金波稿銓部稿又數百卷

張悅字時敏直隸松江府華亭縣人天順庚辰進士授刑部主事歷官禮部右侍郎弘治二年改吏部五年轉左在吏部與尚書王文端公恕侍郎彭惠安公韶周文端公經相與宣謀猶輪忠赤同寅協恭以人事君之義一時正人並在銓衡君子亦揚眉吐氣以自效於明時悅於臨事又卓有定見爲恕所倚信凡有言無不從兩攝選衆議翕然稱允癸丑大旱又陳遵舊章卹小民崇儉素裁冗食禁濫罰數條皆修德圖治二疏皆嘉納之六年陞南院右都御史詳南京兵部

彭韶字鳳儀福建興化府莆田縣人天順丁丑進士授刑部主事歷官刑部右侍郎弘治三年陞吏部左侍郎時三原王公忽爲尚書得韶爲貳皆不避權貴請謁路絕人服其公庚戌冬彗星見於天津 韶大臣言軍民利病時政得失韶具言軍民利病曰厚根本曰減役銀言時政得失曰正近侍曰慎官爵時左右侵權者非一特於正近侍及之其略曰內臣出入左右言語輕重能爲禍福人所畏懼今軍馬錢糧入匠柴炭盡付其手分例相沿更相倣倣虛名實支遮掩外觀誰能詰之比見凡有章奏無不先允而後下於該部該部承而行之不復審處是失政體也及至有犯多從輕宥免有毆人致死者竟不提問或有提

臣聞旋復者之是失刑威也耗財妄費不惟不禁而反助
死者或有給還葬銀八千兩在者或有許其蓋祠覓第宅踰制
服食求奇於斯極矣聲勢移人望風震懾伏望 陛下靜思及
此大公至正以服其心克勤克明以折其氣上法 祖宗乾剛
獨斷褒良善而親忠良遠佞媚而斥奢縱事務歸於有司威福
必由已出終篇又言 朝廷一日萬幾安能勞心周溥臣願
陛下執其要焉臣獲隨午朝心念日奏尋常起數於事無補照
祖宗勤政之典乞師其意可也臣願自今午朝惟加意經邦急務
如吏部有大陞除禮部有大災異戶兵有緊急錢糧邊報工部
法司有緊關工程囚犯之類許先期開具事由奏乞 聖駕臨

日出御左順門侍衛一如午門之儀事該各衙門會議者各官就於御前公同計議如吏部陞除大臣明言某官才德堪任某官資望未可之類內閣輔臣亦同在彼評論可否事體既定就行口奏取 旨奉行次日補本簡照若係本衙門自行者亦就御前逐一陳說有無故事兩疑情由請 旨定奪若事體重大一時難決者聽各官先行博議於下候至朝時再議奏行仍乞溫顏俯詢曲折如此不惟世事日熟於 聖明耳目而羣臣高下邪正亦自可見有事則行不分寒暑無事則止勿勞 聖慮既不廢午朝之典又可率羣臣興事則凡時政得失軍民利病自可次第張弛矣 上嘉之議者謂此舉有潛消默運之方五年

壬子夏陞刑部尚書詳刑部

周經字伯常山西太原府陽曲縣人天順庚辰進士改庶吉士
歷太常少卿兼侍讀弘治己酉擢禮部右侍郎五年改吏部六
年轉左秉正執法不爲權勢所撓一日有中官諭旨欲以通政
司經歷高祿爲叅議經不可退與王端毅公恕上疏論之靈壽
獻大明川民田於太監李廣戶部駁議弗得經會諸司具奏事
遂寢乙卯諸司以災異言事吏部請早視朝勤聽政節侈費省
遊幸止貢獻而斥樂戲一事尤激亦出經手後有踪跡爲此草
者以問尚書耿裕經曰宜以實對耿曰吾爲尚書不宜他諉時
論蓋兩賢之九年陞戶部尚書詳戶部

吳寬字原博直隸蘇州府長洲縣人成化壬辰進士第一名授翰林院修撰歷官少詹事兼侍講學士弘治六年陞吏部右侍郎七年丁憂九年起復補原職十一年轉左爲人端清淵穆不溺溺爲同不嶢嶢爲異士無賢愚見者靡不歸心寬亦保合兼容不見畛域縣官矯激束縛其家人至事寬禮儀亦矯而簡慢寬殊不介意縣官述職尚書欲黜此令寬曰謂之最固非公黜之亦未至是尚書從遷佐別郡十二年兼學士管內閣誥勅歷禮部尚書兼翰林院學士爲世名臣詳詹事府

秦民悅字崇化直隸廬州府舒城縣人天順丁丑進士授行人司行人歷巡撫順天右副都御史陞戶部右侍郎弘治七年改

吏部丁憂後起復補都察院右副都御史十一年復改吏部右侍郎爲人有幹局遇事通敏不滯佐銓政未踰年十二年陞南京吏部尚書詳南京戶部

侶鍾字大器山東兗州府鄆城縣人成化丙戌進士授浙江道監察御史陞大理寺右寺丞十六年轉左十八年進右少卿十九年陞巡撫保定右副都二十年陞刑部右侍郎弘治二年謫知府陞大理左少卿三年陞巡撫蘇松左副都御史六年陞戶部右侍郎八年改吏部尋轉左進退陟黜一視冢宰卽有薦未嘗令人知爲恩但屢被劾刺十年陞右都御史歷戶部尚書詳

戶部

林瀚字亨大福建福州府閩縣人成化丙戌進士改庶吉士歷禮部右侍郎掌國子監事弘治十二年改吏部尋轉左與太宰同心掄才務求至公十三年陞南京吏部尚書詳南京兵部

韓文字貫道山西平陽府洪洞縣人成化丙戌進士擢兵科給事中率同列劾左都土越邀功啓弊且薦冢宰李秉大司馬王竑語涉官禁逮拷幾死乙未陞右戊戌陞湖廣叅議歷七年轉左弘治九年陞山東左叅政庚戌以薦陞雲南左布政癸丑陞巡撫湖廣右副都改河南歷戶部右侍郎弘治十三年改吏部明年轉左性剛介不可以私干與尚書馬文升綜銓平允士論羣然歸之十六年陞南京兵部尚書改戶部爲世名臣謚忠定

詳戶部

王鏊字濟之直隸蘇州府吳縣人成化乙未進士第三名授翰林院編修歷官少詹事兼侍讀學士十三年陞吏部右侍郎十六年丁憂正德元年起復補左侍郎時北虜入寇上籌邊八事雖忤權倖而卒多施行公輔之望日隆於是災異見內閣謝遷引咎求退遂舉鏊以自代武宗在亮闇內侍八人荒遊亂政臺諫交章中外洶洶鏊協司徒韓文率文武大臣伏門以請

上大驚怒有旨召鏊等在左順門中官傳諭甚厲衆相視莫敢發言鏊曰八人不去亂本不除天下何由而治論議侃侃韓亦危言繼之中官語塞一時國論倚以爲重然自是八人者竟分布

要路瑾入柄司禮而韓文遂逐內閣劉謝二公亦去矣 詔補
內閣缺瑾意欲引家宰焦芳衆議推整瑾雖中忌而外難公論
遂與焦偕入閣詳內閣

焦芳見尚書弘治十六年左歷內閣少師

梁儲字叔厚廣東廣州府順德人成化戊戌禮闈第一人廷對
第四人入翰林爲庶吉士授編修尋兼司經局校書侍 孝廟
東宮講讀多所啓沃丁未充會試同考官尋丁內外艱弘治辛
亥服闋進侍講纂修實錄成進司經局洗馬壬子主考順天鄉
試丙辰 武宗東宮講讀戊午主試應天是歲冬冊封安南國
王充正使禮成亟返饋遺無所顧持大體不與陪臣倡和還十

三年庚申以考滿進翰林院學士辛酉主試順天壬戌奉詔
教庶吉士與修大明會典成陞少詹事兼學士遷吏部右侍
郎奉命充正使冊封魯藩正德改元遷左侍郎二年進本部
尚書兼學士專管誥勅纂修孝宗實錄命爲副總裁戊辰
主會試逆瑾弄權惡其不附已指摘會典紕繆降本部右侍郎
實錄成復尚書兼職如故瑾猶憾儲不已欲中以危禍而無由
傳旨改南京吏部詳內閣

江瀾字文淵浙江仁和縣人成化戊戌登進士第選翰林院庶
吉士讀中秘書學日益裕未幾丁父憂居喪以禮足不至公府
壬寅服闋除編修丁未克廷試受卷官戊申孝廟登極召

還修 憲廟實錄筆削惟公凡 實訓皆所校正庚戌克 延
試掌卷官尋克經筵展書官弘治辛亥實錄成進侍讀 賜宴
及白金彩幣壬子克 經筵講官每進講必正容殫慮以沃
聖心癸丑同考會試甲寅奉 命冊封 荆王贈遺悉辭弗受乙
卯主考應天鄉試校閱尤精連第者視昔爲盛丁巳簡克 東
宮講官日惟靖恭輔導等修 大明會典凡制度品式攬撫精
詳庚申九載考績陞侍讀學士尋丁母憂壬戌會典成陞學士
賜宴并楮幣千緡未幾修通鑑纂要一以春秋綱目爲準凡切於
治道人才者論斷精確乙丑 武宗嗣位以從龍恩擢詹事府
少詹事仍兼學士會上 兩宮徽號進中憲大夫與修 孝廟

實錄丙寅春

上初郊祀命爲分獻官賜緋衣一襲二月首開

經筵仍充講官

賜白金文綺楮幣五月奉

命掌翰林院事凡

興隸均分寮采時論題之九月恭遇

聖節以輔導舊臣賜黃

金束帶尋

命爲實錄副總裁十月陞吏部右侍郎協恭匪懈

常著日錄以自檢獎恬退抑奔競人莫敢干以私丁卯賜御製

龍文詩冬陞左侍郎守法奉公與時鮮合值太宰張綵附逆瑾

用事憾瀾不附已尋陞南京禮部尚書詳南京禮部

白鉞字秉德直隸真定府南宮人成化甲辰廷試第二名及第

授翰林院編修弘治戊申同修

憲廟實錄以內艱去癸丑同

考禮部丙辰秩滿遷侍讀己未充

經筵講官壬戌復同考禮

部 武宗在春官充講讀官癸亥修 大明會典成進侍講學
士賜宴禮部尋命與修歷代通鑑纂要甲子考南畿鄉試乙丑
以 登極進學士加從四品俸充日講官賜紗帽靴襪諸物正
德丙寅開 經筵賜白金綵幣 車駕視太學賜坐彝倫堂丁
卯 命教庶吉士署掌院事擢禮部右侍郎 賜御製蟠龍諸
物并纂要本年改吏部三年轉左尋陞禮部尚書詳詹事府
張綵詳尚書正德三年左

王瓊詳尚書正德三年右本年調南京吏部右

柴昇字公照河南南陽府內鄉縣人成化丁酉舉於鄉不第游
太學力學十年益肄以篤成化丁未舉進士是年選擢工科歷

左右都給事中特爲 孝廟眷注調兵科歷十有三年在諫垣以死直爲心謂官祿非夙志也辛酉陞山東叅政奉 勅督糧巡歷所至查革奸弊興學勸農賦吏望風引去乙丑陞廣東右布政正德丙寅陞山東左布政行李蕭然途人興歎丁卯陞副都巡撫江西會革改陝西振肅憲度以綱以紀聞者凜凜三年陞吏部右侍郎四年轉左五年陞南京禮部尚書詳南京兵部孫交字志同湖廣承天府鍾祥縣人自幼秀穎嗜學雖盛暑不輟成化辛丑第進士授南京兵部車駕司主事三原王端毅公甚愛之弘治初三原起爲冢宰卽調吏部用以自輔歷稽勲文選司員外郎進驗封司郎中七年以憂去十年起復補稽勲司

十六年調文選司郎中守法信度確然不撓遍三翼司十有餘年益勵廉隅惟培植善類不忍其摧抑一切選授陞遷與倪文毅公斟酌地方遠近煩簡務當其才輿論胥服十四年陞太常寺少卿提督四夷館正德元年陞光祿寺卿時逆瑾竊政諸所作無益事耗民財有如木蠹交不激不隨臨機節縮省費不貲雖諸權貴亦安之三年陞戶部右侍郎尋改吏部五年調南京吏部六年陞戶部尚書詳戶部

李瀚字叔淵山西澤州沁水縣人成化辛丑進士十八年授樂亭知縣二十二年行取擢四川道監察御史弘治四年丁憂七年起復補浙江道監察御史十二年陞湖廣副使十三年丁憂

十六年補河南副使十八年陞湖廣按察使正德二年陞河南
右布政使本年轉本司左布政使本年五月陞順天府尹本年
九月陞都察院右副都御史總督糧儲三年陞本院左副都御
史佐理院事五年陞吏部右侍郎本年八月陞吏部左侍郎六
年陞南京戶部尚書詳南戶部

靳貴字道克直隸鎮江府丹徒縣人弘治己酉舉應天鄉試第
一庚戌會試第二廷試第一甲第三授翰林院編修弘治丙辰
皇太子將出閣講詔選正人以端國本戶部尚書倡鍾以貴名
上遂兼司經局校書未數日宮僚環侍皇太子獨指貴問左
右曰非靳先生耶固己自屬之孝廟幸講所尤加獎異有文

綺玳帶之賜庚申又進春坊右中允癸亥會典成進春坊左諭
德兼翰林院侍講貴每侍講進敷奏雍容儀觀修傳 重瞻屢
回 武宗登極以舊學進太常寺少卿兼翰林院侍讀名目請
是歲范夫人卒京邸給驛歸治葬戊辰服闋還職尋掌翰林院
事授庶吉士業進禮部侍郎時逆瑾盜政常因事諷貴密書翰
林官殿最以進貴不從衍之時翰林多外遷貴亦左遷爲光祿
寺卿已乃復舊庚午改吏部又進兼翰林院學士管誥勅掌詹
事府事仍克日講官詳內閣

傅珪字邦瑞直隸保定府清苑縣人成化丙午舉順天鄉試明
年舉進士授翰林庶吉士讀中秘書閱三歲爲弘治二年授編

修九年禮部會試充同考官經延展書及內書館教書十三年
兼司經局校書纂修 大明會典成陞左春坊左中允兼編修
賜以金幣十八年復同考會試是年陞左春坊左諭德兼侍讀經
筵講書有金帶緋衣之 賜正德元年纂修 孝宗實錄清理
軍職貼黃明年主考應天府鄉試又明年主考武舉咸稱得人
四年 命敎庶吉士於翰林院充日講官是歲實錄書成時逆
瑾竊政搜索往事以 大明會典字多舛訛珪嘗預修 詔奪
其官降修撰尋以實錄 恩陞左中允未幾陞侍讀學士五年
陞學士主考順天鄉試頃之陞吏部右侍郎尋轉左七年陞禮
部尚書詳禮部尚書

劉春字仁仲別號東川一號樗菴四川重慶府巴縣人成化癸卯秋舉四川鄉試第一丁未舉進士第二授翰林院編修弘治戊申正月充修憲宗實錄官分職戶館辛亥八月實錄成陞修撰仍賜宴與中府以禮部火故也乙卯四月復任己未充會試同考試官庚申九月選充東官講讀官有翰林春坊兩班員缺欲改官寮以將九載遂以修撰班春坊直日講讀辛酉八月選充經筵講官壬戌二月滿三考陞左春坊左諭德癸亥三月以纂修大明會典成陞翰林院侍講學士五月詔選修通鑑纂要武宗御極以隨龍恩陞學士詔纂修孝皇實錄得兵館十一月聞御史府君計以憂歸辛未二月服滿

陞吏部右侍郎十一月 賜大明會典通鑑纂要各一部十二
月轉左侍郎壬申三月以閣薦 命不妨部事充 經筵日講
官癸酉六月陞禮部尚書詳禮部

蔣冕字敬之廣西桂林府全州人成化丁酉鄉試第一丁未舉
進士選庶吉士授編修弘治庚申兼司經局校書遷右中允乙
丑預修通鑑纂要轉右諭德兼侍講正德丙寅預修 孝廟實
錄充 經筵講官丁卯進侍講學士庚午主考應天鄉試辛未
陞少詹事兼侍讀學士是歲擢吏部侍郎甲戌兼學士典 誥
勅掌詹事府事詳內閣

王璟字廷采山東沂州人成化壬辰進士除登封知縣六載以

理兩淮鹽法通變革姦私販屏跡十六年浙東饑被命賑濟上經書嬰宜十事以杭嘉湖寧紹台被蓄尤甚奏減其稅及省杭湖軍糧三十餘萬石停劂卷御史三年所活四十餘萬人十七年改巡撫紫荆等關保定諸郡首疏添官增社以紓衝要民力處置江浙馬價以便本地土民免立皇莊名目以除民害

等六事 孝廟嘉納焉時內宦奉 命勘計寧晉新河諸縣土
田吏稍侵忤遂奏遣官校捕捉鄉民二百餘家璟備疏其害謂
宜盡斥罷諸內璫田盡歸之民人皆危之弗恤正德丙寅 命
管院事逆瑾矯 詔罷歸辛未瑾誅薦起巡撫山西時巨盜流
劫焚燒破陷河東爲甚至則閱視通賊處所設險防禦製火槍
萬餘每槍小箭六枝攻守百爾具備由是斬獲衆多賊望風遁
晉藩歲祿告乏璟謂不足生於不均富强者兼併貧弱者窘削遂
革去買頭重冒之利宿弊以清山西地瘠民貧復經兵燹凡兵
工部歲派沁州諸郡花椒木板及戰馬四千餘毅然疏請改徵
一以甦困弊先時潞沁諸郡邑婦女不爲賊所汙以貞烈死者二

十餘璟覈實皆請旌表厥宅里以拔綱常本年陞右副都回院管事八年陞兵部右侍郎本年改吏部九年轉左十年陞都察院右都御史詳都察院

毛澄字憲清直隸太倉人弘治癸丑廷試第一授修撰丙辰同考會試乙未預修會典癸亥轉左諭德兼修撰預修通鑑纂要甲子侍皇太子於東宮充講讀官敷奏明暢孝宗聞之甚喜徹御前中秋宴以賜之乙丑擢左庶子兼侍讀賜金廂東帶預修實錄值內艱歸逆瑾柄國奪所陞秩瑾敗起復仍官侍讀庚午進侍讀學士典順天鄉試九月署國子監事辛未充廷試讀卷官擢學士充日講官壬申掌院事敕庶吉士讀書甲戌

主考禮部陞吏部右侍郎丁丑陞禮部尚書詳禮部

毛紀字維之山東萊州府萊縣人成化丁未進士改庶吉士弘

治二年授翰林院檢討十二年陞本院正德十六年陞本院侍

讀十八年陞左春坊左諭德仍兼侍讀正德元年丁丑四年

起復以會典故降侍讀本年以孝廟實錄成陞翰林侍讀學

士尋陞本院學士五年陞戶部右侍郎本年陞禮部左侍郎六

年丁憂十年起復改吏部左侍郎本年陞禮部尚書尋兼翰林

院學士詳內閣

王鴻儒字懋學河南南陽府南陽縣人幼穎悟絕人書過目即

成誦甫成童作書端勁得歐顏法有親屬爲府吏者致鴻儒佐

書郡守金城段堅見其書奇而問之吏以實對遂召見歎曰風神清澈非塵埃中人也乃留居府中續食授衣親課其業遂入郡學爲諸生提學天台陳選校士至南陽閱其卷驚曰此經世之文非舉子業也成化癸卯發解河南丁未進士授南京戶部主事初領倉庾出納明慎軍民稱便遷員外郎權舟淮安督稅鳳陽皆有聲績於是衆益信爲全才弘治九年陞山西僉事十五年晉副使俱督學以陶養爲本以文藝爲末抑浮崇雅先行檢而後詞華品藻高下毫髮不爽又好面誨人每生徒請益因材開發終日不倦士子翕然歸之孝宗一日召兵部尚書劉大夏論時政且及當時人才上曰如山西副使王鴻儒他日

可大用大夏對曰斯人才行誠不易得 聖諭是也劉大夏後
以告鄉人胥員外文相曰 朝廷用此等人方擔當得大事予
老不及見子其識之正德四年陞國子監祭酒本年以守正忤
逆瑾回籍八年起南京戶部右侍郎十年改吏部十二年轉左
侍郎以甄拔人物爲已任好崇實行不純采虛名嘗曰濟天下
事惟誠實者能之趣名者亦趣利無益也不見夏忠靖王鹽山
乎惟知有 朝廷而不知有親黨惟知有天理而不知有身家
社稷生民於是攸賴識者韙其言十四年陞南京戶部尚書詳
南京戶部

廖玘詳本尚書正德十二年右十四年左

羅欽順詳本尚書正德十四年右十六年左

秦金字國聲直隸無錫縣人弘治癸丑進士授戶部福建司主事歷戶部右侍郎正德辛巳改本部右侍本年尋改戶部左詳南京兵部尚書

胡世寧字永清浙江仁和縣人歷巡撫四川右僉都御史嘉靖元年遷吏部右侍郎道聞父喪去官未任詳兵部尚書

國朝列卿紀卷之二十九終